



## Hringbrautarverkefnið staða framkvæmda og fréttir af verkefninu

- Fréttir af uppsteypu meðferðarkjarnans
- Samningur við Eykt ehf vegna fullnaðarhönnunar og verkframkvæmdar á nýju bílastæða og tæknihúsi
- Niðurstöður forvals kynntar vegna hönnunar á nýbyggingu við Grensásdeild Landspítala
- Glæsileg BREEAM vottun sjúkrahótels, hæsta einkunn sem gefin hefur verið hérlendis
- Upphaf jarðvinnu vegna byggingar á nýju rannsóknahúsi


## Fréttir af uppsteypu meðferðarkjarnans



Eysteinn Einarsson staðarverkfræðingur NLSH

Vinna við uppsteypu meðferðarkjarnans miðar ágætlega áfram.

„Það helsta sem nú er unnið við er áframhaldandi vinna við mótaupplátt, jarðskaut og við járnabendingu undirstaðna og jarðskaut og er sú vinna langt komin. Einnig er unnið við fyllingar og lagnir í grunninum og einnig vinna við botnplötur. Vinna við kjallaraveggi heldur áfram og síðan tekur við undirbúningur við fyrstu loftaplötur yfir kjallara og hefst sú vinna í upphafi októbermánaðar,“ segir Eysteinn Einarsson staðarverkfræðingur hjá NLSH.



Grunnflötur meðferðarkjarnans er um 13.000 fermetrar að stærð sem jafngildir um tveimur knattspyrnuvöllum



Unnið við kjallaraveggi og styttist í fyrstu loftaplötur yfir kjallara í grunni meðferðarkjarnans



Unnið við járnabendingar á undirstöðum í grunni meðferðarkjarnans

## Samningur við Eykt ehf. vegna fullnaðarhönnunar og verkframkvæmdar á nýju bílastæða- og tæknihúsi



Svandís Svavarsdóttir, heilbrigðisráðherra, var ánægð að lokinni undirritun

Heilbrigðisráðherra, Svandís Svavarsdóttir, skrifaði undir samning 9. september við Eykt ehf. vegna fullnaðarhönnunar og verkframkvæmdar á nýju bílastæða- og tæknihúsi sem er ein af byggingum í heildaruppbryggingu Nýs Landspítala við Hringbraut.

Svandís Svavarsdóttir heilbrigðisráðherra: „Samningurinn sem var undirritaður í dag, vegna byggingar bílastæða- og tæknihúss, er mikilvægur sem eitt af mörgum skrefum í þessu stóra uppbryggingsverkefni við Hringbraut. Bílastæða- og tæknihúsið mun gegna veigamiklu hlutverki í starfsemi spítalans, bæði svo hægt sé að leggja bílum og hjólum á svæðinu en einnig fyrir tæknilega starfsemi. Miklu skiptir að bygging hússins hefur umhverfisvæna nálgun.“



Unnar Brá Konráðsdóttir, formaður stýrihóps um skipulag framkvæmda við Landspítala, Páll Matthíasson, forstjóri Landspítala, Finnur Árnason, stjórnaformaður NLSH og Gunnar Svavarsson, framkvæmdastjóri NLSH við undirritunina



Það var léttur andi við samningsundirskriftina

Gunnar Svavarsson framkvæmdastjóri Nýs Landspítala segir að ákveðið hafi verið að fara í alútboð, en þá eru hönnun og framkvæmd boðin út í einum og sama útboðspakkanum. Heildarniðurstaðan var að byggingarfyrirtækið Eykt, varð hlutskarpast. Samningurinn er því mikilvægur áfangi sem eitt af mörgum skrefum okkar fram á við í Hringbrautarverkefninu, segir Gunnar.

Bílastæða- og tæknihúsið er um 19.500 fermetrar að stærð og er í raun átta hæðir, fimm hæðir ofan jarðar og þrjár hæðir neðanjarðar og mun rúma stæði fyrir um 550 bíla.

## Niðurstöður forvals kynntar vegna hönnunar á nýbyggingu við Grensásdeild Landspítala



Ný viðbygging við Grensásdeild Landspítala mun rísa að vestanverðu við núverandi aðalbyggingu

Heilbrigðisráðherra, Svandís Svavarsdóttir, kynnti 14.september niðurstöður forvals vegna hönnunar á nýbyggingu við Grensásdeild Landspítala.

### Þátttökutilkynningar bárust frá eftirtöldum aðilum:

**Ferill verkfræðistofa**

**VA arkitektar**

**Örugg verkfræðistofa**

**Myrra hönnunarstofa**

**Betula**

**Lota**

**Teknik verkfræðistofa**

**Teiknistofan Tröð**

**Kanon arkitektar**

**Hljóðvist**

**Mannvit**

**Arkís**

**Arkþing Nordic**

**Nordic**

**EFLA verkfræðistofa**

**THG arkitektar**

**VSÓ ráðgjöf**

**Trivium ráðgjöf**

**Lota**



Svandís Svavarsdóttir, heilbrigðisráðherra, kynnti niðurstöður forvalsins

**Úti og inni arkitektar**

**SNA arkitektar**

**Landmótun**

**Viðsjá verkfræðistofa**

**TKM verkfræði- og hönnunarhús**

**Örugg verkfræðistofa**

**Strendingur verkfræðistofa**

**Myrra hönnunarstofa**

**Verkís**

**TLB arkitektar**

**VSB verkfræðistofa**

**Yrki arkitektar**



Fjölmenni var við opnun forvalsins

Guðrún Pétursdóttir, formaður stjórnar Hollvina Grensásdeilda: „Sem betur fer fjölgar þeim sem lifa af alvarleg áföll í okkar samfélagi. Það kallar á skilvirka endurhæfingu. Hollvinirnir hafa í 20 ár barist fyrir endurbótum á húsnæði og aðstöðu deildarinnar, svo hún geti sinnt sínum mikilvægu og sívaxandi verkefnum. Við fögnum því innilega þessum mikilvæga áfanga og heitum því að styðja eftir fremsta megni við þær framkvæmdir sem nú fara í gang og hlökkum til að sjá nýbygginguna verða að veruleika.“


Ný viðbygging endurhæfingarhúsnæðis Grensásdeilda Landspítala verður um 3.800 fermetrar að stærð og mun rísa að vestanverðu við núverandi aðalbyggingu.

# Glæsileg BREEAM vottun sjúkrahótels, hæsta einkunn sem gefin hefur verið hérlendis



Sjúkrahótelið fékk hæstu einkunn sem gefin hefur verið hérlendis í umhverfisvottun

Nýjum Landspítala ohf. hefur verið úthlutað af hálfu BRE Global Ltd. „lokaumhverfisvottun fyrir sjúkrahótelrið“. Hlaut NLSH ohf. hæstu BREEAM einkunn sem gefin hefur verið hér á landi fyrir sjúkrahótelrið eða 72,9% skor og „Excellent“ einkunn.



Öll umgjörð sjúkrahótsins er afar vistleg




Sjúkrahótelið er með 75 herbergi öll með hlýlegu umhverfi

Aðeins eru um 30 íslensk verkefni sem farið hafa þá vegferð að fá BREEAM vottun. Sjúkrahótelrið er eina verkefnið sem hlotið hefur „Excellent“ skor. Áður hafði Nýr Landspítali fengið 81% stigaskor í hönnunarvottun hússins og hlaut einnig „Excellent“ einkunn samkvæmt BREEAM kerfinu. Er það einnig hæsta einkunn sem bygging hefur fengið í BREEAM hönnunarvottun á Íslandi.

Í alþjóðlega BREEAM vottunarkerfinu er lagt mat á marga mismunandi þætti eins og umhverfisskjórunn á byggingar- og rekstrartíma, góða innivist sem tekur m.a. til hljóðvistar, inniloftgæða og lýsingar, góða orkunýtni og vatnssparnað, val á umhverfisvænum byggingarefnum, úrgangsstjórnun á byggingar- og rekstrartíma, viðhald vistfræðilegra gæða nánasta umhverfis og lágmörkun ýmis konar mengunar frá byggingu t.d. varðandi frárennsli og ljósmengun.

# Upphaf jarðvinnu vegna byggingar á nýju rannsóknahúsi



Jarðvinna rannsóknahússins hefur farið vel af stað, Bergþóra Smáradóttir verkefnastjóri NLSH




Nýtt rannsóknahús mun rísa vestan við Læknagarð

Háfell ehf. er jarðvinnuverktaki vegna rannsóknahússins og er vinna við jarðvinnuna hafin að sögn Bergþóru Smáradóttur verkefnastjóra á framkvæmdasviði NLSH.

„Þessa daga er unnið við uppgröft á lausu jarðefni og mun sú vinna standa áfram yfir næstu vikur. Búið er að rífa niður gashúsið sem stóð við vesturenda gamla bílastæðisins við Læknagarð og það má segja að upphaf jarðvinnunnar sé að ganga vel“, segir Bergþóra.

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



Hringbrautar  
verkefnið

[nlsh.is](http://nlsh.is)

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

*Höfundaréttur © NLSH ohf.*

**Póstfang:**

[postur@nlsh.is](mailto:postur@nlsh.is)